



ЯМДЕ ЛИЙ

ВЛКСМ МАРОБКОМЫН ОРГАНЖЕ

ГАЗЕТ АК идалыклан 2 т. 16 ыр.
пел ийлан 1 т. 8 ыр.



ПИОНЕР

Комсомолын Хидалыкшын боевой
П И О Н Е Р С К И Й
паша дене вашлийна



ОБРАЩЕНИИЛАН МЕМНАН ВАШМУТНА

Москван Красногвардейский районысо юный пис-вер-шамыч комсомолын 20 идалыкшым боевой пионерский паша дене вашлийна пеш чапле обязатель-ством налын. Ме Йошкар-Ола район, 10 лет МАО колхозысо пионер ден тунемше-шамыч тиде обращенийм шокшын вашлийна саламлена. Ленинско-Сталинский комсомолын 20 ий темме юби ейжым меат боевой пионерский паша дене вашлийна.

Мемнан колхозышто 43 пионер ден школьник улына. Чылават ик подарке гыч ямдылаш пижына. Лишыл жапыште „БГТО“, „ГСО“, „ЮВС“ значок-шамычлан нормо сдатлы-шым организавтлена. Нормо сдатлымаште чыланат участвоватлаш тунгалына. Мемнан кажнын онгыштына кум оборонный значокна лишеш. Адак сылне художественный альбом шамычым ямдылена.

Тыгак ме у тунемме ийлан талын ямдылалтына. Ленинско-Сталинский комсомолын юбилей кечыжлан кажынат отличо ден сай отжетке гына лицже манын мутым пуэна. Мемнан комсомол изаланна тиде эн чапле подарке лишеш.

Мемнан кокла гыч шуко пионер-шамыч моло турло подарком ямдылаш пионерский мутым пуэныт. Теве Никитин Петя балалайке дене чапле муро-шамычым шокташ тунемеш. Калинин Аркадий РККА-ш привинатлыме „Комсомол“ луман иввым шефш налын онча. Южышт презым, чомам, кроликым ончаш шефш налын. Удыр-шамыч чапле узор-шамычым ямдылаш тунгалыт.

Ме тыгак ышташ шкенан пошкудо „Марий ял“ колхозысо пионер ден тунемше-шамычым ужна. Юный пионер-шамыч: Петров А., Калинин П., Петров В., Никитин Г., Петров Я., Архипов А., молат. Чылаже 43 пионер ден тунемше кидым пыштеныт.



Какшан эгер серыште пырля каныше кум йоча-шамыч колым кучат.

Сүретыште: (пурла гыч шолашке) Йошкар-Ола 1 №-ан шко-лышто тунемше Шонин Вания, Архангельск Оласе 1 ше №-ан шко-лышто тунемше (ужаш толшо) Шадрин Эдик да Ронго кыдалаш школышто тунемше Долгоруков Шура.

ЮБИЛЕЙМ ЧАПЛЕ ПОДАРКЕ ДЕНЕ ВАШЛИЙНА

Москван Красногвардейский район 2 № отрядысе пионер-шамычын комсомо-лын XX-шо идалыкшым бо-ево пионерский паша дене вашлийме нерген обра-щенийыштым 7 августышто сайын кагашышна.

Ме Миклай йолташем де-не коктын тений Нолядур тунгалтыш школым сайын тунем пытарышна. Тений 5 классыште тунемаш тунгалына. 5 классыште у ту-немме ийын первой кечыж гычак „отлично“ тунемаш мутым пуэна. Отлично ту-немшаш верч коктын со-ревноватлаш тунгалына.

Ме коктынат кроликым налына да правил почеш ончена. Кызыт четлыкым ямдылен улына. „ЮВС“ значоклан нормым сдатлаш тунгалына. Мый—Геля—ча-пле сүретан альбомым ям-дылем.

Комсомол—мемнан изана. Тудо кок орденан. Ме, пи-онер-шамыч, комсомол изана гаяк пенгыде, луддымд лийына. Садланак юбилейм чапле полбк дене вашли-яш чыла пионер-шамычым ужна.

Шалев Геля,
Кутасов Миклай.
„Ударник“ колхоз, Йошкар-Ола район.

САЙ ПЧЕЛОВОД ЛИЯМ

Йолташем-шамыч дене пырля Москосо пионер ша-мычын обращенийштым сайын кагашышна.

Мый мукшым изинекак ончаш пеш йбретем ыле. Но тунам изи улат манын мукш омарта деке намен огытыл. Ынде кугурак лий-мекем ачам дене пырля эреак мукшым ончем. Те-ний кенжежым мукш ончы-мо правил-шамычым пале-налым. Тудын нерген шу-ко книгам лудам.

Ленинско-Сталинский

Адак детский фотоаппа-ратым налам да фото аль-бомым ыштем „ЮВС“ зна-чоклан нормым сдатлаш тунгалам. Налме мутем честне шуктем.

Кутасов Петя,
Медведево пелэ кыдалаш школын 6-шо классыш тунем пытарыше.

ЧОМАМ КУШТЕМ

Ленинско-Сталинский комсомолын 20 ий юби-лейжылан, мый Ленинский комсомолын шольжо — пионер Смелов Миша ча-пле подарком ямдылем. Кы-зыт шкенан колхозын „Со-кол“ луман чомажым ше-фыш валын ончем. Тудым шкак пукшем, йытыраем, шерам, йуштылаш пуртем. Кажне кечын прогулкыш луктам. „Сокол“ мыйын йбратыме йолташем лийын. Юбилей кечылан „Сокол“ мыйын подарком лишеш.

Смелов Миша,
Звенига район, Нурда мучаш-ял совет, „Чодра химик“ пром-колхоз.

Москва илыш гыч ик альбом

Ме шукерте огыл Москва олаш экскурсий дене ми-ен толна. Экскурсийыште шуко ужын коштын улына. Социалистический родинын шумжым ужаш пеш кугу пиял. Тиде ужын коштым нигунамат ом мондо. Шке-мын ужын коштем гыч Ленинско-Сталинский ком-сомолын 20 идалыкшылан чапле художественный аль-бомым ямдылем.

Коротков Петя,
Йошкар-Ола район, Кугу Яш-нур ял.

Альбомым ямдылена

29 октябрыште Ленин-ско-Сталинский комсомол-лан 20 ий темеш. Тиде юбилейлан мый сүретан чапле альбомым ямдылем. Альбомын первой страни-цышеже мланна весела илышым кондышо Сталин йолташын портретшым ыш-тем.

Плотников Вания,
„Ленин“ колхоз, Йошкар-Ола район.

Арбан пелэ кыдалаш школын 6-шо классыште тунемше Смирнов Миклай Ленинско-Сталинский ком-сомолын XX-шо идалыкшы-лан чапле художественный альбомым ямдыла.

Александров Иля,
Йошкар-Ола район.

3 оборонный значокем лишеш

Мый республиканский пионер лагерьыште—„Таи-рыште“ канем. Лагерьыште илаш весела. Турло модыш дене модына, могырма кандарена, йуштылына. Ка-ныме дене пырля пашам ыштен толына. Мый кызыт „ПВХО“, „ГСО“, „ЮВС“ значок-шамычлан нормым сдатлаш пижынам. Кани-мем мучко нице кум обо-ронный значок-шамычлан сдатлен шуктем.

Ленинско-Сталинский комсомолын 20 ий темме юбилейжылан мыйын кум оборонный значокем ли-еш.

Смирнов Водыр.
Пектубай кыдалаш школышто тунемше.

Нормым сдатлена

Ленинско-Сталинский комсомолын 20 ий темме юбилейжылан ме, Кужмара пелэ кыдалаш школышто тунемше-шамыч (Звенига район) полбкым ямдыле-на. Мемнан полбкна „БГТО“ значок лишеш. Теле вид дене нормым кодшо тельм сдатлен улына ыле. Кызыт кенжеж вид дене сдатлена.

Лукоянов А.



„Таир“ лагерысе пионер-шамыч спортивный площад-кыште лунгалгат.

Фото С. Чуршуковин.

СОВЕТ УШЕМЫШТЕ

Йошкар Армий ден Военно-тегыз флот Всесоюзный юбилейный спартакиаде

5 августышто Москваш Пашазе Кресаньык Йошкар Армий ден Военно-Тегыз флот, НКВД да „Динамо“ спортивный обществылан 15 идалыкше темме лумеш Всесоюзный юбилейный спартакиаде почылтын.

Спартакиадыш Совет Ушем чыла луклаже гыч на.

Советский кокымшо велотур

6 августышто Москваш воватлыше-шамыч деч 600 советский кокымшо велотурлан старт пуалтын.

Соревнованийыште 117 гонщик участвоватла. Нуно шоссе ден проселочный корно дене 3.200 километрым кайшаш улыт. Тиде первой велотурышто уча-

социалистический родинам доблестный аралыше—4 тужем участник погынен

Боец - физкультурник шамыч спартакиаде почылтым Совет Ушем маршал С. М. Буденный шокшын саламлен.

Спартакиаде 9 кече шуйна.

Чапле узор

Йошкар-Ола 5 номыран школын 2 классшым тунем пытарыше Рыбакова Вера Ленинско-Сталинский комсомолын 20 идалыкшылан чапле пионерский подар-

кым ямдыла. Кызыт 6 түрлө узором штен ямдылен. Адак кок түрлө сылве узорым ышташ пижын.

Загайнов Вачий.



СҮРЕТЫШТЕ: Йошкар-Олаш детсадыш коштыш йоча-шамыч. Какшан энгерыште йыштылыт. Фото Чуршуковин.

ЯПОНСКИЙ ВОЕНЩИНЫН У ПРОВОКАЦИИЖЕ

Японец - шамыч первой кана велә оыл Совет Ушем умбак керылтат төченит. Але мемнан территория воктен японский самолет-шамыч коштыт, але японский салтак - шамыч мемнан границым вончат ыле. А вот Хасан ер районшто советский ден японский часть-шамыч коклаште кучедалмаш тыге лийын: 29 июльшто японский отрядым, нунынналме лумдым кукшака вергыч луктын кудалтымек, японешамыч советский территорияште улош Заозерный (Чанкуфын) кукшака вер вастареш ик дивизий наре войскам чумыренит.

31 июль. 3 час. Йуд. Йыр пычкемыш. Чылашын... Кенета чучкыдын пулемет муграш тунгалын. Пычал дене луйм йук нергылтын. Тиде советский пограничный заставе умбак японешамыч кержалтыныт. Нуно международный правам

пужен, мемнан границым вонченит. Советский пограничный заставе умбак кенета нападатлен, тудым Заозерный кукшака вер деч шыгыремден. Нунынчумыр дивизий улмаш. Тиде жапыштак японский артиллерий советский ешартыш вий толмым мешаяшлан лишыл кукшака верлашке да нунын йыр улош проселочный корнылашке луйкален. Артиллерий полшымо дене японский пехота советский территорияш 4 километр наре пурен кертын. Ик мынар час гыч толын шушо советский регулярный часть-шамыч японский войскам советский территорияш гыч луктын кудалтенит.

Кок велыштыжат сусыргышо ден колышо улыт. Японешамычын колышо ден сусыргышо 400 егыш шуэш. Японешамыч советский территорииш 5 орудийым, 14 пулеметым да патронан 157 винтовкым



СҮРЕТЫШТЕ: „Ямде лий“—ын активный деткорж-шамыч. Шолагыч пурлашке: Александров Иля, Коротков Петр, Загайнов Василь. Нуно „Ямде лий“ редакцийын активный деткорж улыт. Шукерте оыл Москошко экскурсий дене коштын толыч. Фото А. Овечкинын.

ЭКСКУРСИЙ ПЕШ КЕЛШЫШ

Ме „Ямде лий“ газетын эн активный деткорыш-шамыч улына. Садланак „Ямде лий“ редакций мемнан пашанам аклен, молешамыч дене пырля Москвашке экскурсий дене каяш путевкым пуыш. 27-ше июльшто ме Москвашке кайышна. Экскурсий 29 июльшто тунгале. Эн первояк ме метрошко пурышна. Тушто ятыр кудалыштмек Волга-Москва каналыш кайышна. Кремль деке ончаш мийышна, Лениным ужна. „XX летие РККА и Военно-Морского флота“ выставке мемнан кумылнам моткочак нолтыш. Тыште Йошкар Арминын куатшым, героический пашажым советский

художник-шамыч пеш сай ончыктен моштеныт. Адак политехнический музейыш, зоопаркыш пурышна. Зоопаркыште нигунам уждымо ялык-шамычым: слоным, тигрым, леопардым, обезьян-шамычым ужна. Политехнический музейыште папанинец шамычын вургемыштым, илыме верыштым, пашаштым оячышна. Нуно нерген руководителешамыч мланна пеш сайын умылтарышт.

Экскурсийыште ужмына нерген ме ялыште йолташ-шамычлан чыла каласена.

Загайнов Василь,
Александров Иля,
Коротков Петр.

Уржа вуйым погена

Ме, пионер-шамыч, шкенан „Йошкар кече“ колхозлан уржа вуй погаш полшена. Кызыт 120 килограмм уржа вуйым поген улына. Пырдыж газетым лукташ полшена. Каныш жап гыдым колхозник-шамычлан газет ден журналым лудына.

Ягодаров Наум.

Кужмарий ял совет, Ронго район.

Шыгшальым кучышна

Ме Пектубай районсо пионерский лагерьыште каныше-шамыч чодраш экскурсий дене миен улына ыле. Тушто ныл шыгшальым кучен улына. Тудо вич игым ыштен. Шыгшальым сайын ончена. Телым биологий дене тунемашна ик животный уло.

Державин.

Чыла НЕРГЕН

◆ Пачиновский кыдалаш школышто тунемше-шамыч (Смоленск) учитель-комсомолец Лавренев йолташын вуйлатымже почеш шке районысо природный пойнылыкым тунемит. Шукерте оыл Сож энерысе серым кувчымо годым мамонтын ятыр лужо-шамычым муын улыт.

◆ Вашке Ленинградский „Ленфильм“ киностудий режиссер А. Иванов ден П. Павленко сценарийышт почеш ыштыме „На границе“ кинокартиным луктеш.

Тиде фильм—мемнан родинам аралыше пограничник да тудын тушман вастареш кредалмыжым, колхозник-шамычын границым оролаш кузе полшымышт нерген ончыкта.

◆ Киевтыште шашке дене СССР чемпион лумым налаш Всесоюзный шашечный чемпионат эртаралтеш. Чемпионатыште всесоюзный полуфинальный соревнованийыште сеныше-шамыч модыт. Чемпионат 19 август марте эртаралтеш.

◆ 2 августышто Азербайджан йылме дене „Пионер Азербайджана“ луман у пионер газет лекташ тунгалын.

◆ Шукерте оыл Панвенки села воктене (Энгельс) колхозник-шамыч мландыште ала могай кугу янлыкын лужым муныт. Энгельский музейыште паша ыштышешамыч лу мумо верыш миймек паленыт: тиде пеш шукерте колышо гигантский носорогын лужо улмаш. Тудым наукашто „Эласмотерий“ манят. Луым музейыш конденит.

◆ 2 августышто летчик Н. Д. Федосеев куштылго спортивный самолет „Г-23-бис“ дене 7.985 метр кукшутыш чонештен кузен. Тыге кукшо чонештымже дене французский летчик Андре Жапин установитлыме международный рекордым шукылан шенгелан коден. Андре Жапи 1937 ий 31 декабрьыште тыгай категорий самолет денак 5.268 метрым кузен ыле.

◆ Киевтыште школьник-шамычын куштылго атлетик Всесоюзный соревнований эртыш. Вич кече гыдым 758 школьник-куштылго атлетик-шамыч 1938 ийыште ончыл верыш лекташ верч соревноватлышт. Соревнований эртыме дене 13 всесоюзный да 12 республиканский у рекордым ыштыме.

Мланна колхоз полша

Тений шкенан „Кокшага“ колхоз мланна футболым, волейболым да сеткым налын пуыш. Тидлан ме пеш куанышна. Кызыт кажие кастене футбол да волейбол дене модына.

Н. Янай.

Великополь ял совет, Оршане район.

коденит. Советский мөгырышто сусыргышо 55 да колышо 13 уло. Ик советский танк ден ик орудийым локтылмо. Кредалме годым советский войска Манчжурский границым ик канат пудыртен оыл.

2 августышто волгыжмек японский войска адак уэш Заозерный кукшака верыш наступатлен. Кредалмаш кечегут лийын. Советский артиллерий японский войскам эре луен, а самолет-шамыч воздух гыч нуным бомбитленит. Тиде кредалмаштак японешамыч шуко йомдареныт.

Иностраный паша нарком Литвинов йолташ—лудыктымаш политик дене мемнан ода лудыктыман японский дипломат-шамычлан шукерте оыл шижтарен ойлен. А кызыт Токиошто улош пашаште советский поверенныйлан японский правительствылан пенгыде протестым ышташ шудым. Советский территориин тукаш лийдымылыкшым пагалаш японский военищине деч требоватлаш

поручитлыме.

Посол Сигемицу Литвинов йолташлан „мирный“ предложенийым ыштымек ик кече вара тений 4 августышто Хасан ер вес велне улош японский войска советский территорияш пеш чот луйкалаш тунгалын. Тыште чыла түрлө калибран пеш шуко артиллерий, нунын коклаштак нелә артиллерият, советский войска вастареш наступленийыш кайше японский пехотлан действоватлаш йоным ыштен. Манчжоу-Го территорий гыч луйкален. Советский войска вастареш пунт-шамычым пенгыдын налын мемнан территориям японский войскам кодшыжо деч эрыктеныт.

К. С. СТАНИСЛАВСКИЙ КОЛЕН

7 августышто 3 часат 45 минут кечывалым шке кватирешыжак (Станиславский урем) ССР Ушем народный артист, кок гана орденосный Константин Сергеевич Станиславский колён.

Тений январьыште Станиславскийлан 75 ий темын. Тиде юбилейым пүтынь эл пайремлен.

Пытаргыш тылзылаште К. С. Станиславский МХАТ сценыште Мольерын „Тартюфа“ пьесыж дене ятыр пашам ыштен. Тиде жапыштак тудо Станиславский лумеш оперный театрыште Стефановын „Пограничник“ у опер шындымым руководитлен. Тудын вуйлатымыже почеш первой постановкын 7 картинажым шуктомо. Июнь тылзыште Константин Сергеевич шке лумеш студи-йыште испытаным эртарен.

15 июнышто Константин Сергеевичын шумжор коршташ туналын. Сандене тудлан паша ыштым чарнаш логалын. Константин Сергеевичым врач-шамыч чарныде ончен, эмлен. Туге гынат, чер эреак кушкын шоген. Изишак куштылгын тучаш туналмек, июль пытаргыш кечылаште Константин Сергеевичым Барвих санаторийыш колташ келшыме ыле. Но 2 августышто К. С. Станиславский шкенжым адак начар шижаш туналын. Черлым вакшыш пыштеныт. Температура кушкын, шум деятельность лушкыдемын. Кишечный заболеваний лиймек, положений адак начарештын.

7 августышто эрдене черле ег шкенжым сайракын шижын, тудлан куштылгырак лийын улмаш. Но шум тугак пашам томам ыштен. 3 часат 45 минутышто Константин Сергеевич Станиславский тичмаш сознаний улмо умбачак колён.

Искусствын кугу мастерже

Пел ий ончыч Совет Ушем Константин Сергеевич Станиславский 75 ийжым палемдыш. Кугу русский режиссер ден актерым чумыр эл саламлыш.

К. С. Станиславский (Алексеев) 1863 ийын 17 январьыште шочын. Чумыр кужу умыржор мучко искусствышто пашам ыштен. Изиже годымак тудо любительский спектакльлаште участвоватлаш туналын. Вара театральнй училищыште тунемын. Сценим пеш чот йоратен.

Искусствышто улшо моло ончыл пашаен-шамыч дене пырля Константин Сергеевич 1888 ийыште „искусство ден литератур обществым“ ыштен. Чыла турло искусствышто пашам ыштыше-шамычым лишемдаш да пеш сылне спектакль-шамычым шындаш тиде обществе шке ончыланже целым шыден. Станиславский кугу актер лийын выступатлен, тугак режиссер лийын.


1898 ийыште Станиславский ден В. И. Немирович-Данченко кугу театрым почыт. Тиде театр Горький

лумеш Ленин ордена Москковский художественный академический театр маналтеш. Тыште Станиславский пеш тале актер да режиссер велэ лийын огыл, тугак тудо исследователь, испытатель лийын, искусствышто у корно-шамычым почеден.

25 ий коклаште тиде театрын сценыштыже 30 наре рольым модын. Тылеч посна 50 наре турло постановкын режиссерже лийын, театрын художественный руководительжылан шоген.

Театрын кугу мастаржын — К. С. Станиславский пашажым советский калык пеш кукшын аклен. Тудлан ССР Ушем калык артист лумым пумо. Тудым ик кана Ленин орден дене, ик кана Трудовой Йошкар знамя орден дене наградилыме.

Русский искусствын кугу мастаржым — Константин Сергеевич Станиславскийым Совет Ушем шемер-шамыч вигунамат огыт мондо.



„Таир“ пионерский лагерыште каныше пионер-шамыч ерыште пуш дене коштыт.

А. Г. МАЛЫШКИН

3 августышто йудым кугу советский писатель — Александр Георгиевич Малышкин йолташын шумжор кырым чарныш. Тудо руш писатель-шамыч коклаште кугу верым налын шогыш. Тудо гражданский сар илыш гыч шуко произведенийым возен, нуным калык йоратен лудеш.

Александр Георгиевич Малышкин йолташ 1890 ийыште шочын. Йоча жапышым пүтынек шочмо уездыштыже гына эртарен. 1917 ий 1918 ий марте Шемтенгыз флотышто лийын. 1919 ийыште Йошкар Арми-йыш налын. Восточный, Туркестанский, Южный фронтышто талын кучедалын.

1921 ийыште „Падение Даира“ луман первой повестыше печетлалтеш. Тиде произведенийыште Малышкин йолташ Йошкар Арми-йын Перекопым налмыже нерген пеш чаплын возен. Тунамсе напряженный кучедалмашым, контрреволюцийын сенгалтмыжым пеш моштен ончыктен.

Тиде повесть деч вара тудын ятыр ойлымаш-шамыч сборникше: „Ночь под Кривым Рогом“, „Февральский снег“, „Никитские субботники“ лукталтыт.

1931 ийыште ГИХЛ издательстве тудын „Севастополь“ романжым печетлен луктеш.

1938 ийыште лекше „Люди из захолустья“ романыштыже Малышкин йолташ революционный кучедалмаште у этапын — сталинский пятилетке верч кучедалмашын сүретшым пеш чаплын, келгын шижмаш дене сүретла.

Малышкин йолташ эше пеш ондак колён — тудлан 48 ий велэ. Тудо шке талантын пеледме, шке творческий планже да вийже нолталтме жапыште колён. Тудын колымыжо — пеш кугу да ойган йомдарымаш.



„Таир“ лагерысе ерыште колым кучышо пионер-шамыч: (пурла гыч) Ведерников Шура, Тымбаршев Коля да Димитриев Вала.

МЕМНАН КАЛЕНДАРЬНА 1 гыч 12 август марте

1 августышто (1914 ийын) тунябал империалистический сар тунгалын.

2 августышто (1933 ийын) Сталин лумеш Беломорско-Балтийский канал почылтын.

3 августышто (1920 ийын) РКП(б) ЦК И. В. Сталин йолташлан Врангель вастареш кучедалашлан Южный фронт-ышто Реввоенсоветым организоватлаш кўштен.

4 августышто (1900 ийын) руш художник И. И. Левитан колён (1860 ийын 30 августышто шочын).

5 августышто (1895 ийын) Карл Марксын друшко да сора-татикше Фридрих Энгельс колён (1820 ийын 28 ноябрьыште шочын).

6 августышто (1929 ийын) Особый Дальневосточный ар-мий организоватлалтын.

7 августышто (1920 ийын) Йошкар Арми-й Врангельн Каховка денсе белогвардей-ский войскажым шалатен.

8 августышто (1917 ийын) РСДРП(б) VI-шо с'ездыште — вооруженный восстанийлан ямдылалтше с'езд почылтын.

11 августышто (1916 ийын) Йошкар Арми-й Ашхабадым налын.

ВЕСЕЛА ЙОЧА КОМЕДИЙ

Союздетфильм студийыште режиссер В. Немолоев „Доктор Айболит“ луман весела йоча комедийым ыштыме пашажым пытара. Сценарийым Е. Шварц К. Чуковскийн книгаже почеш возен.

Мемнан ожнысо йоратыме доктор Айболит моряк Робинзонын корабльже дене изи йочан — Пентам ачажым кычалаш каен. Ачажым разбойник Беналис шолыштын. Айболит дене пырля путешествийыш тудын сай йолташыже-шамыч: Биба пий, Чи-Чи обезьянка, Карудо попугай, Вумба тумына, Кика лудо да Хрю-Хрю с'сна иге каен.

Айболитын шыде Варвара сестрицаже нуным огеш чамане. Тудо разбойник Беналис дене пырля нуным пытарашлан турло энгекым ыштылеш.

Животный-шамыч докторлан кычалаш полшат. Пиялдыме пленником кыштыла кычалаш кўлмым Биба

улш денак пала. Разбойник-шамычын „Гром и молния“ корабльыш Беналисын приказше почеш Робинзонын корабльже умбаке нападталат. Тунам чыла животный-шамыч разбойник-шамыч дене кучедалыт. Даже Хрю-Хрю с'сна игат боец-шамычлан „ядром“ п'ортыктыл колтылын. Тиде „ядро-шамыч“ Робинзон корабльыште олма, дыне да арбуз улыт. Нуно разбойник-шамычын вуйышкыш йур с'мын пернылыт. Айболитын дружный коллективше разбойник-шамычым с'сна. Чыла приключений-шамыч пеш сай эртат. Корабль Пентам да животный-шамычын мумо ачаштым м'онгышкыжор конда. А шыде Варвара ден разбойник Беналисым нака-затлен.

Тун рольышто улыт: республикын заслуженный артистше М. Штраух (доктор Айболит), искусствын заслуженный деятельже И. Аркадин (разбойник Беналис),

Е. Гуров (Робинзон), А. Вильямс (Варвара), кудияш Витя Селезнев (Пента) да Р. Горбачеван дрессировщица животный-шамыч.

Чыла натурный с'емке-шамычым Ялташте ыштыме. Доктор Айболитын йомак элыште илымыжлан к'бра крымский природым васталташ: пушенге ден скала-шамычым чиялташ искусстванный пеледыш, пушенге да пальме-шамычым шындаш, корныш пудыргыло воштончыным шаваш, искусстванный скала-шамычым шындаш да молатым ышташ верештын.

Животный-шамыч дене паша нелэ лийын. Дрессированный животный-шамыч деч посна фильмыште турло „пациент-шамыч“ сниматлалтын. Нуно турло верла гыч Айболитын изи п'ортышкыжор эмалташ толыт. Тушто черет дене зонд йымалне кылтыме неран изи пий-шамыч шина-чат, адак турло кайык-шамыч чонештен пурат.

Айболитын комнатыштыже меран, ур, шоншо-ша-

мыч илат. Маска ден ры-выжат снималтыныт. А Москваште эше эн „изи“, сусыр Джумбо слон снималтеш. Тудо 500 порций мороженыйым кочмыж деч вара кокыраш тунгалын. Варажым доктор Айболит тудлан ик печке микстурым (микстура — эм) ыштен пуэн, тиде эмым слонлан „кечеш кум кана кочмо деч ончыч ик ведра дене“ йуаш кўштен.

Животный-шамычлан аламогай циркысе номерым исполнитлыме с'мын огыл, а „актер с'мын модаш“ кўлын. Теве, примерлан, Биба пий дене обезьянка Чи-Чи шуко нелэ заданий-шамычым шуктен шогат. Чи-Чи обезьянке разбойник Беналисын изи Пентам пещереш сурален шындыме пеш кугу к'гоньш кўза да тудым почеш. Тудо пеш чот кучедалмаш кайме годым парусым руда да лудын пытыше разбойник туш-кам тудын дене леведеш.

Биба пият кучедалмаште участвоватла. Варажым тудо Беналисым ышке арестовая да тудым пидын док-

тор Айболит дек конда. Тиде годым животный-шамыч доктор Айболитым да изи Пентам йоратымыштым да Баналис ден тудын разбойникше-шамычым йоратыдымыштым, нунылан осал шонымыштым ончык-тат.

Фильмыште й'бсын тунык-тыммо животный-шамычат снималтыныт. Теве нуно: Хрю-Хрю с'сна иге, Бумба тумына, Карудо попугай.

Хрю-Хрю, рольлан „фильм-ым сниматлыме жапыште 6 с'сна игым васталташ логалын, вет нуно тылзт пелэ жапыштак кугу с'сна-наш савырнаш тунгалыныт.

Животный шамыч Пента рольым модшо Витя Селезнов дене пеш келшен ил-ныт. Витя ынде первой га-на огыл снималтеш. Те тудым „Дума про козаки Гологу“ да „Человек рас-сеянный“ фильмлаште шар-неда

Кызыт снимагыше кол-лектив Ялташте пашам пы-тарен, м'онгеш п'ортылын, фильмымат с'даен.

„Янде лий“ 3-шо стр.

ИСПАНИЙСЕ ФРОНТЛАШТЕ

Тений апрель тылзыште Испанийште фашист-шамыч Средиземный тенгыз дек пурен керттыт. Республиканский Испанийн территорийшкыже пучкын пурен, тудым кок ужашлан ойыренят. Тиде дене республиканец - шамычлан ик самостоятельный армий олмеш коктытым ышташ логале. Туге республиканец-шамычын положенийшт ятырак нелеме. Туге гынат, фашист - шамычын тенгыз деке шенгын пурмышт республиканский Испанийм героически аралыше-шамычын вастареш шогымыштым пудыртен керттын огыл. Испанийн фашист ден итало-германский интервент-шамычын чыла ончыкылык плавашт шукталт кертде кодо.

Первойжо фашист-шамыч Барселон ден Торто-сыш наступатлышт. Тиде наступленийшт нимогай результатмат пудымо дене, нуно чумыр тун вийыштым Сагунто ден Валенсийиш (Леванта фронт) кудалтенят. Тыште нунылан шотлан ыш тол. Валенсийиш шупшыш налаш фашист-шамычын ушанымыштым республиканец-шамыч пудыртышт. Леванта фронт-ышто кредалман кум тылзе утла шуйныш. Сай военный техникан фашист-шамыч тиде жапыште нимо-нар серьезный сенгымашы-мат ыштен огыл ул. Республиканец - шамыч дене кредалмаште нуно шуко тужем еным йомдареныт.

Эбро энгер районышто улшо республиканский войска-шамыч Леванта фронт-ышто кучедалме годым лийше передышкым кучылт моштеныт. Нуно каналтенят, шкеныштым порядкыш конденят да у вий

дене 24 июль йудым наступатлаш тунгалынт. Нуно Эбро энгерым куд верыште вончен керттыт да энгер вес могыр серыште пеш кулешан ятыр кук-шыт-шамычым налынт.

29 июльлан республиканец-шамыч Вильяльбам налынт да Гандесум авыренят. Республиканец-шамыч 5 тужем утла пленныйым, шуко оружием, военный снаряженийым налынт.

Республиканец-шамычын наступленийшт испанийн фашист ден итало-германский интервент-шамычым чот брыктарыш. Нуно Эбро энгер тукнаш лийдыме маншотлышт.


Республиканец-шамычын наступленийшт тунгалмек, фашист-шамыч нунын вастареш пеш шуко самолет-шамычым колтенят. Нуно республиканский войска-шамычын частышт вончымым жаплан чарен керттыт.

Кызыт Эбро энгер районын фашистский командованийлан кугу вийым Леванта фронт гыч кусараш логалын. Республиканец-шамычлан тидежак кулын. Войска-шамычым кусарыме дене Леванта фронт-ышто фашист-шамычын положенийшт нелем. Пытар-тыш жапыште нуно тиде фронт-ышто наступленийым ыштен керттын огыл ул.

Кызыт фашист-шамычын чумыр вниманийшт Эбро энгер районыш ушнен. Тушто кызыт Гандесу, Бильяльба да Файон верч кредалмаш виян кая.

Испанийсе фронтлаште лийше пытартыш событий-шамыч испанийн калыкын кугу вийжым ончыктышт. Фашист шамычым йоршы-нак шалатен пытарышаш часат тора огыл.

А. Липатов



Йошкар-Олашке поезд толеш.

Фото С. Чурш-ковын.



ТЕТРАДЬ

Тетрадь первояк 2,5 тужем ий ончыч лектын. Древний Египетын шаланыше олаштыже аралалт кодышо шуко сай тетрадьым мумо. Нуно вуд растений—папирусын шумжб гычышталтынт.

„Тетрадь“ — древне-греческий шомак. Тудо мемнан семын „четверка“ манме лиеш. Школьник-шамыч лист кагазым ныл ужашлан тодылынт да тетрадь лийын. Кыдалаш курымышто, тужем ий наре ончыч тетрадьым пергамент але оселын вычкыж коваштыж гыч ыштен улыт.

400 ий наре ончыч кнага дене ыштыме кугу тетрадь-альбом-шамыч лектынт. Тиде тетрадьым вычкыж пу

она дене переплетатлымек кббн дене тукылат улмаш. Вараракше школьник шамыч тетрадьым шкеак ышташ тунгалынт. Кугу руш учоний Ломоносов тугыде кагаз ластыкым иктыш оген, торлатен пучмек тетрадьым ыштен.

Сай кагаз гыч ыштыме тетрадь 75 ий ожно гына лектын. Тунам тетрадь пеш шергакан ыле, садланак школьник - шамыч налын керттын огытыл.

Шутко

КОЛ КУЧЫШО (колыштымыо шукшлан):—ит порт тый, ораде! Портан тунгалат гын, тыйым шуэм да весым налам!

У КНИГА-ШАМЫЧ

Николай Григорьев. „Бронепоезд Гандзя“. Детиздат. 1938 ий. Тираж 25.000 экз. Акше 4 тенгелат 50 ыр.

„Гандзя“ луман красный бронепоезд кок вагонан, кужгу пу она дене обшиватлым улмаш. Туге гынат, петлюровец-шамычын башнян бронепоезд дене кредалаш пижын. Противникин артиллерийже ала мынар кана тудым сусыртен, но „Гандзя“-се луддымб боец-шамыч тудым обшиватлымек тушман вастареш уш талын кредалынт. Противникин бронепоездше красный боец-шамычлан эрыкым пуэн огыл. Садланак „Гандзя“ команде тушманын бронепоездшым кузе гынат пытараш тыршен.

Ала кузе ик кана красный-шамычын валме станций деч тораште огыл тушман бронепоезд лектын да станцийым орудий дене луйш тунгалын. „Гандзя“ тудын вастареш каен. Кумда ну-

рышто лишеммек, нуно вастареш луйкаленят. Противникин снарядше дене луймеке пу дене обшиватлым „Гандзя“ ик мынар минутыштан шаланымашке шуын. Пел командыже строй гыч лектын. „Гандзя“ поезд шенгек чакнаш решитлен, но шенгелне корным пудештарыме нерген вашке пален налыт. Садланак красный поезд виян ход дене тушман вастареш каен, куд дюйман пушко гыч луйен бронепоездшым шутен. Туге петлюровец - шамычын бронепоездшым командыжге пытарен.

Я. Тайц. „Воротничок“. Детиздат. 1938 ий. Тираж 25.300 экз. Акше 3 тенгелат 25 ыр.

Тиде книгаште шуко тем дене возымо ойлымаш-шамыч улыт: „Очан ожнысыжо, пионер, Йошкар Армий, колхозник да моло нергенат возымо. Ме кок

ойлымашын содержанийжым пуэна.

„Воротничок“. 1 май кечын Ира Земмель аваже дене пырля школысо йоча утренникыш толын. Иран шутыжб тошто йошкар сога улмаш. Йоча-шамыч тидым



ужын воштылаш тунгалынт. Тунам Иран аваже тудо соган историйжым каласен пуэн.

Кумло ий ожно, але изи улмыжо годым, Иран аваже пашазе-шамыч дене пырля массовым эртараш миен. Кенета казак-шамыч

толынт да пашазе-шамычым покташ тунгалынт. Ик казак изи удрыш Йошкар согажым ужны да тудым лупш дене кырен. Кырыме дене сога кушкедлен. Тиде кушкедлыше согам Иран аваже 30 ий арален. Вот таче, советский йоча-шамычын 1 май кечым пайремлымышт годым тудо изи удрыжылан согам чиктен.

„Свидание“. Изи Янкельын ачажым революционный паша ыштымышлан полиций арестоватлен. Янкель аваже дене пырля ачажым ужаш миен. А тюремашке политический заключенный деке ик еным вел пуртат улмаш. Тунам аваже эргыжым тюремаш колта, шкеже капка воктене шоген кодаш. Кунам Янкель ачаж деке пурен, тудым еврейла ойлыктен огытыл, а тудо руш йылмым ок шинче улмаш. Туге Янкель шинча вуд йоре ачаж умбак ончен... нимо пелештыде шоген. Йоча ачажлан нимо каласыдеак лектын каен.

ЯРА ЖАП ГОДЫМ

Отделым И. Федотов вуйлата

Метограмме

„Д“ дене вуд,
„Т“ дене йук.
Алексеев Аркадий.

Сотнур район, „Пионер“ колхоз.

Кроссворд


Кроссвордышто мут-шамычым палашлан ончыктымо цифр гыч тунгалын шемемдыме клетке марте горизонтальне (шолга гыч) але вертикальне (улыкб) лудын кайыман. Кажне ош клеткыште ик буква лийман. Ик мугын букваже вес мугын букваже лийын кертеш.

Горизонтальный линийыште тугай мут-шамыч улыт:

1. Руш учонийын изобретенийже. 4. Пөр'енг лум. 5. Мурьымо годым йукым палемдымаш. 7. Ик союзный республикын олаже. 10. Государствын столицыже. 14. Азербайджанский ССР коч йогышо энгер. 19. Сүрет. 21. Военный ўзгар. 22. Шокошо велеш кушшо шурно. 25. Кайык. 26. Кугу янлык. 27. Удырачаш-шамычын чиемышт. 28. Шинчыше вуд. 33. Школысо занягый. 35. Пушенге. 36. Күтү (рушла мут). 37. Сўян ўзгар.

Вертикальный линий ден:

1. Киевский князь. 2. Музыкальный инструмент. 3. РСФСР-ге областын столицыже. 4. Кажне портын уло. 5. Эстонийн столицыже. 6. Кол кучышо ўзгар. 8. Африкысе государство. 9. Шудо солым жапыште кучылтмо ўзгар. 11. Вудышто илмше. 19. Ешыште эн пагалыме ег.



13. Молодеж ушем. 15. Сурт волюк. 16. Наций. 17. Южым качайыше ўзгар. 18. Африкысе осал янлык. 20. Африкысе энгер. 23. Планет. 24. Телым кулешан ўзгар. 26. Вольккан кочкыш. 27. Курго. 29. Геометрический кап. 30. Нелыт. 31. Тус. 32. Пушенге. 34. Удыр (рушла).

Весела модыш.

Раз, два, три!

Модшо - шамыч кругыш шогалыт. Покшелне шогышо модшо - шамычлан умылтара: „Раз“ манмеке модшо-шамыч кок копаштым ваш ышта да кидыштым ончыко шутат, „два“ манмеке кидыштым кок могырыш шаралтат, „три“ манмеке кукбб нблталыт. Вара покшелне шогышо кычкыраш тунгалеш. Но тудо цифр-шамычым порядке дене огеш ойло гынат, кертеш: тугеже модшо-шамычым путайыкташ сайырак. Садлан модшо-шамычлан посна числам ойлык кидым кузе кучымым сайын шинчаш кулеш. Кб кидым йонгылыш ышта гын, тудо покшке лектеш, але иктаж-могай „штрафым“ ыштыктыман.